



Inuit tamat attaveqaqatigiittarfiinik, tassunga, ilanngullugu Facebook, atuinermut atatillugu siunnersuutsialaat aamma innersuussutit

***Eqqarsaatigisaruk suut saqqummiutissallugit – internetimi
peqqissimisoqarsinnaanngilaq.***

Ataasiarluni kikkunnut tamanut saqqummiussigaanni – saqqummeqqajuaannassaaq. Facebookimi illit kisivit ataasiarlutit akuersinissat taamaallaat piumasaqaataavoq saqqummiussavit atorneqarnissaannut – massakkut aamma siunissami. Quppernerup internetimi illit saqqummiussavit atorneqarnissaannut /kopeerneqarnissaannut imminut pisussaatippoq, naak illit profilivit peerneqarnissaa noqqaassutigisimagaluarit.

Allat pillugit assinik imaluunniit paasissutissanik ilanngussaqassanngilatit erseqilluinnartumik taamaaliornissannut akuersisummik pissarsisimanngikkuit.

Pinerluttulerinermut inatsimmi inunnulu ataasiakkaanut paasissutissat pillugit inatsimmi maleruaqqusat aammattaaq Facebookimut atuuppoq, taamaattumik assinik imaluunniit inunnut ataasiakkaanut paasissutissanik pineqartut ilanngunniakkatit akuersiteeqqaarnagut tamanut saqqummiussaqaruit tamanna kinguneqarsinnaalluarpoq inatsimmik unioqqutitsisimasutut unnerluunneqarnissannut tamanna kinguneqarsinnaavoq.

Taamaattumik eqqarsaatigeqqaartaruk nassiunnissaanut attataasap tuunnginnerani ilanngussavillu kikkunnut tamanut saqqummiutinnginnerani.

Datatilsnimut ingerlaqqiffissaq (link) toorlugu inunnut ataasiakkaanut paasissutissat pillugit inatsimmi paasissutissanik assersuutaasunik



takusaqarsinnaavutit, tassa inunnut paassisutissat pillugit soqquaaninnut aamma soqquaannginninnut tunngasunik:

<http://www.datatilsynet.dk/borger/sociale-netvaerk/naar-du-offentliggoer-oplysninger/>

Eqqarsaatigilluaruk gruppit sorliit ilannguffinerlugit.

Atuaruk annertunerusumillu paasisaqarfigalugu. Suna isumagaa aamma suna siunertaraa. Assersuutissaqarpoq Facebookimik atuisartut uumiginnittunut gruppiannut ilannguttartunik qinnuteqaammillu akuersiinnartartunik gruppi pillugu paassisutissanik pissarseqqaarnatik.

Oqaatsit atukkatit mianerisakkit

Siorasaarisassanngilatit imaluunniit kinaassusersiorernik saqqummiussaqarlutit. Pinerluttulerinermut inatsimmi malittarisassat aammattaaq tassani atorneqassapput, naak tamanna Facebookimi pigaluartoq. Sumilluunniit allakkuit illit ajorinngisannik utertitsivigineqarsinnaassaait. Soorlu isummersummi siullermi taaneqareersoq nassiussinermut attataasap tooreernerani kikkunnulu tamanut allatap saqqummiutereernerani allatatit utertissinnaanngilatit. Taamaattumik allani pisuni kikkunnut tamanut saqqummiunneqarnissaa ajorineqassappat, taava taamatut allattariaqanngilatit.

Profilinnut password taarsikulajuk

Password toqqakkat eqqoruminaatsuussaaq akuttunngitsumillu taarserneqartassalluni. Password ataasiinnaq inuit attaveqaqatigiittarfiini arlalinni atortassanngilat. Facebook hackerinik ajornartorsiuteqartorujussuuvoq, taakku atuisartut paassisutissaannik kodiinillu tillittarmata. Iluatsitsigaangamik allanut sitesinut ajornanngitsumik isersinnaalertarput, taakkunani illit atit passwordilu taanna atorlugu profileqarfigisanni. Passwordit allanut tunniutinngisaannaruk, pasitsakuillu passwordit allanit paasisoorneqarsimasoq, taava ingerlaannartumik taarsertariaqarpat.



Facebook Facebookimi applikationit atortassanngilatit

Facebookimi applikationit akuerigukkit, taava tamatumunnga ilutigitillugu applikationinik piginnittooq illit profilinnut isersinnaalernissaa akuerissavat. Applikationinik assigiinngitsunik nassitsisoq nalinginnaasumik Facebookiunngilaq, naak site attaveqaqatigitarfittut atorneqartaraluartoq. Ajornassaaq paassisallugu applikationinik ataasiakkaanik piginnittooq kinarpiaanersoq, taamaattumillu illit aamma illit ikinngutivit paassisutissartaannut isersinnaasoq. Amerlanertigut applikationit pissarsiatit illit ikinngutivit nassiussaraat applikationimik piginnittumit piliarineqartut avammut nittarsaassinertut isikkoqartillugit.

Annoncenit uukapaatinneqarnissat pinaveersaruk

Neqeroorutit, misissuinerit, unamminerit il.il. annonceupput amerlasuutigut, soorlu applikationitut, suliarineqarsimasuupput atuisartunit paassisutissanik pissarsinissaq siunertaralugu.

Ilinnut tunngalluinnartut pillugit aaqqiinissaq sapinngisamik pitsaanerpaaq atortaruk (indstillinger)

Illit nammineq perarfissaqarputit kikkut "ikinngutigissanerlugin" toqqassallugu, taamatullu paassisutissanut sorlernut isersinnaanissaannut. Taamatut aaqqiinerit (indstillinger) ikinngutinnut ataasiakkaanut tunngatilluinnarlugu aaqqiisoqarsinnaavoq. Illit taamaalillutit toqqarsinnaavat kina illit assiutinnut, status-innut, væg-imut il.il. isersinnaassanersoq. Facebookimi inuttut nammineerusussuseqaruit qulaani inuttut aaqqiinertut (indstillinger) iluaqutaalluartumik killilersuisinnaavutit.

Akuttunngitsumik assit paassisutissallu ullumikkumut tulluarunnaartut peertakkit

Amerlanerit ilisimagunangilaat Facebook-profil taaneqareersutut kikkunnit tamanit qaqugukkulluunniit takuneqarsinnaajuartoq. Taamaattumik isumassarsiatsialaavoq profilip imarisaaanut isummertuartarnissaq, taamatut taamaallaat pisimasut pisariaqartuinnaat/nutanerinnaat takuneqarsinnaasunngorlugit.




E-mailit nalinginnaasoq atortassanngilat

Illit attaveqarfingineqarsinnaanissannut paasissutissat tunniuttassanngilatit. Oqaatigineqartuartariaqartoq aajuna: *Mianersuutigisaruk profilinni paasissutissat sorliit ilannguttarnissaat*. Soorlu assersuutigalugu najukkat aamma telefonivit normua pillugit paasissutissat ilanngunnissaat pisariaqanngilluinnarpoq, atuisartut ataasiakkaat Facebook aqqutigalugu attaveqarfinguaannarsinnaasarmatsit besked-imik nassitsisarnermikkut. Ilisimagukku Facebookip ammasorujussuarmik ingerlanneqarnera, kikkut ilinnut tunngasunik paasissutissanut isersinnaanerat illit nammineq tamarluinnaat nakkutigisinnaanagu, taava patsisissaqarluarpoq taamaatinissamut eqqarsaatigalugulu cyperspacemi illit pillutit paasissutissat qanoq amerlatigisut ingerlaarnissaat.

EQQARSARLUAQQAARIT NASSITSINERMUT ATTATAASAQ TOORTINNAGU.

(Til billedteksterne forneden: KODIT ALLANUT TUNNIUTINNGISAANNARUK
ILLIT IKINNGUTIGINGERPAAVAKKIT
MIAMIT ANAAVUTIT!
FACEBOOKIMI KODIGUT IMMITSINNUT TUNNIUTISSAVAGUT
AAP, TORRAK. UANGA MIE789-IUVOQ
HI, HI. MIE... ILLIT ANAAVUTIT!



1. August 2016